

Visoka škola računarstva i informatike eMPIRICOM

PROCEDURA POKRETANJA NOVIH I IZMJENA POSTOJEĆIH STUDIJSKIH PROGRAMA

Tuzla, april 2023. godine

Na osnovu člana 63. stav 1. tačka d) Zakona o visokom obrazovanju („Službene novine Tuzlanskog kantona“ broj: 21/21, 5/22, 11/22 i 16/22), te člana 17. Statuta Visoke škole računarstva i infomatike eMPIRICOM, Senat Visoke škole računarstva i informatike eMPIRICOM na sjednici održanoj 12.04.2023. godine donio je

PROCEDURE POKRETANJA NOVIH I IZMJENA POSTOJEĆIH STUDIJSKIH PROGRAMA

I. OPŠTE ODREDBE

Član 1.

Ovim Procedurama se propisuje postupak predlaganja, ocjene, pokretanja novih i izmjena i dopuna postojećih studijskih programa na Visokoj školi računarstva i infomatike eMPIRICOM (u daljem tekstu: Visoka škola eMPIRICOM).

Član 2.

Procedurama se definiše redoslijed aktivnosti, način i udogovornost za pokretanje novih i izmjenu postojećih studijskih programa na Visokoj školi eMPIRICOM s ciljem ostvarivanja potrebnog kvaliteta procesa visokog obrazovanja, odnosno definisanih ishoda učenja, znanja i kompetencija određenog profila stručnjaka koji se obrazuju na predloženom studijskom programu.

II. POSTUPAK POKRETANJA NOVOG STUDIJSKOG PROGRAMA

Član 3.

Postupak pokretanja novog studijskog programa započinje inicijativom za uvođenje novog studijskog programa. Inicijativu mogu pokrenuti Senat, Upravni odbor, osnivači Visoke škole eMPIRICOM, kao i predstavnici privrede sa kojima Visoka škola eMPIRICOM ima potpisane sporazume o saradnji ili usko saraduje.

Član 4.

Inicijativa za pokretanje novog studijskog programa se dostavlja u slobodnoj pisanoj formi Senatu Visoke škole eMPIRICOM i treba da sadrži:

1. Razloge pokretanja i ciljeve studijskog programa,
2. Procjenu potreba tržišta rada za stručnim profilom koji se obrazuje na studijskom programu,
3. Usklađenosti s misijom Visoke škole eMPIRICOM.

Član 5.

Nakon zaprimanja inicijative za pokretanje novog studijskog programa, Senat organizuje raspravu, u koju trebaju biti uključeni predstavnici studenata, alumni, privrede i drugih organizacija u zavisnosti od sadržaja studijskog programa.

Član 6.

Shodno podnesenoj inicijativi i provedenoj raspravi Senat donosi odgovarajući zaključak.

Ovim zaključkom inicijativa može biti odbačena ili prihvaćena. U slučaju prihvatanja inicijative Senat imenuje radnu grupu za izradu Elaborata o opravdanosti izvođenja studijskog programa (u daljem tekstu: Elaborat).

Radna grupa se sastoji od 3 do 5 članova. Članovi se imenuju uglavnom iz reda nastavnog osoblja Visoke škole eMPIRICOM, a najmanje jedan član mora biti ujedno i član Odbora za osiguranje kvaliteta i on ne mora biti iz reda nastavnog osoblja.

Radna grupa je obavezna izraditi Elaborat u roku od 2 mjeseca od dana imenovanja.

Član 7.

Elaborat treba da sadrži sve elemente propisane Zakonom o visokom obrazovanju.

Član 8.

Odluku o usvajanju Elaborata donosi Senat.

III. POSTUPAK IZMJENE I DOPUNE POSTOJEĆIH STUDIJSKIH PROGRAMA

Član 9.

Usklađivanje studijskog programa sa organizacijom rada i dostignućima nauke i umjetnosti ne smatra se novim studijskim programom.

Manje izmjene i dopune studijskih programa koje znače sadržajne promjene koje ne mijenjaju bitno studijski program, ishode i ciljeve učenja (na nivou predmeta) i izlazne kvalifikacije studenata (stručni profil), predstavljaju usklađivanje i osavremenjavanje studijskih programa sa organizacijom rada i dostignućima nauke, dio su osiguranja kvaliteta i ne smatra se novim studijskim programima.

Član 10.

U skladu sa zakonskom i statutarnom obavezom Senat kontinuirano prati primjenu nastavnih planova i nastavnih programa, te sprovodi evaluaciju i ocjenu kvaliteta studijskih programa u skladu sa unutrašnjim sistemom osiguranja i unaprijeđenja kvaliteta obrazovanja na Visokoj školi eMPIRICOM, te na osnovu toga prema potrebi donosi odgovarajući zaključak u kome se pokreću izmjene i dopune studijskih programa iz prethodnog člana.

U zaključku treba da su navedeni:

1. Razlozi za pokretanje izmjena i dopuna postojećih studijskih programa,
2. Nosioci aktivnosti,
3. Rok dovršetka aktivnosti.

Odluku o izmjenama i dopunama studijskog programa iz prethodnog člana donosi Senat.

Član 11.

Veće izmjene studijskih programa koje znače izmjene nastavnog plana i programa smatraju se zahtjevom za pokretanje novog studijskog programa. U ovom slučaju izmjene studijskih programa se donose po istom postupku kao i pokretanje novih studijskih programa u skladu sa ovim Procedurama i Zakonom o visokom obrazovanju.

Izmjena nastavnog plana i nastavnog programa vrši se po istom postupku kao i njihovo donošenje, utvrđeno zakonom, i ne može se primjenjivati retroaktivno, u smislu utvrđivanja dodatnih obaveza studentu za studijske godine koje je uspješno okončao.

IV. ZAVRŠNE ODREDBE

Član 12.

Ovaj Pravilnik stupa na snagu sa danom donošenja.

Broj: 04-03-02-085/23-001/23

Tuzla, 12.04.2023. godine

Predsjednik Senata

mr.sci. Muhdin Mujačić, dipl.ing.el.